



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De illis quibus ignorantes baptizati sunt. li.

urn:nbn:de:hbz:466:1-10722

firmum baptizare noluerit, vel pro intentione itineris, vel de aliqua excusatione, & sic sine baptismo moritur, deponatur.

De illis qui denuo baptizati sunt. Cap. XLVIII.

His verò, de quibus similiter dilectio tua nos credidit consulendos, qui ad iterandum baptismum vel metu coacti, vel errore traducti sunt, & nunc se contra catholica fidei sacramentum egisse cognoscunt, ea est custodienda moderatio, qua in societatem nostram non nisi per pœnitentiæ remedium, & per impositionem episcopalis manus, communionis recipiant Vnitatem. Tempora autem pœnitentiæ habita moderatione tuo constituenda iudicio, prout conuerforum animos inspexeris esse deuotos, pariterque etiam habentes ætatis senilis intuitum, & periculorum quorumque aut ægritudinum respicientes necessitates. In quibus si quis ita grauitè vrgeatur, vt dum adhuc pœnitet, de salute ipsius desperetur, oportet ei per sacerdotalem sollicitudinem cõmunis gratia subueniri.

Ex decr. Leonis papa, ad Nicetã episcopum Aquiliensem, cap. 47.

De hoc si paruulus ægrotans ad quemlibet presbyterorum baptismi gratia defertur. Cap. XLIX.

Si paruulus ægrotans ad quemlibet presbyterorum baptismi gratia de cuiuslibet parochia allatus fuerit, ei baptismi sacramentum non denegetur. Si quis hoc munus petenti concedere detrectauerit, & ille paruulus absque baptismatis, gratia mortuus fuerit, nouerit ille se, qui eum non baptizauit, pro eius anima rationem redditurum, & apud synodum acerrime corrigendum.

Ex decr. Eugenij papa, ca. 6.

De illis qui bis vel ter cõfirmati vel baptizati sunt. Cap. L.

Dictum nobis est, quod quidam de plebe bis, aut ter, ab episcopis ignorantibus tamen eisdem episcopis confirmantur. Nnde nobis visum est, eandem cõfirmationem, sicut nec baptismum, iterari minimè debere: quia bis vel amplius baptizatos aut confirmatos, non seculo sed soli domino sub habitu regulari vel clericali religiosissimè famulari decretum est.

Ex concilio Ter raco nensi, ca. 6.

De illis qui bis ignorantes baptizati sunt. Cap. LI.

Qui bis ignorantes baptizati sunt non indigent pro eo pœnitere, nisi quod secundum canones non possunt ordinari, nisi magna aliqua necessitas cogat. Qui autem non ignari iterum baptizati sunt,

Ex pœnitentiæ Theodoro, cap. 14.

Q iij

quasi iterum Christum crucifixerint, septem annos poeniteant, quartam, & sextam feriam, & tres Quadragesimas poeniteant. Si pro vitio aliquo fuerit, similiter. Si pro auiditia putauerint, tribus annis similiter poeniteant.

De paruulorum animabus, qui sine baptismo moriuntur. Cap. LII.

Ex epist. Grego. papa scripta Secundo sermo Dei recluso. **I**N extremo verò epistolæ requisisti quid eis respondendum sit, qui dilectionem tuam de paruulorum animabus requirunt, qui sine gratia baptismatis moriuntur, & quædam sententias: si corpus originali tenetur culpa, unde anima quæ à Deo datur rea erit, quæ adhuc in actuali delicto non sensit corpori? Sed hac de re dulcissima mihi tua charitas sciat, quia de origine animæ inter sanctos patres inuestigatio non parua versata est, sed vtrum ipsa ab Adâ descenderit, an certè singulis detur, incertum remansit, eamque in hac vita insolubiliter falsi sunt esse questionem. Grauis est enim quæstio, nec valet ab homine comprehendi: quia si de Adâ substantia anima cum carne nascitur, quær non etiam cum carne moritur? Si vero cum carne quæ ab Adam prolata est, obligata peccato tenetur. Sed quum hoc sit, incertum non est, quia si sacra baptismatis gratia fuerit renatus homo, omnis anima originalis peccati vinculis est obstricta. Hinc est scriptum est: Non est mundus in conspectu eius, & vnus diei infans super terram. Hinc Dauid ait: Iniquitatibus conceptus sum, & in delictis peperit mater mea. Hinc ipsa Veritas dicit: Nisi quis renatus fuerit ex aqua & spiritu sancto, non intrabit in regnum celorum. Hinc Paulus apostolus ait: Sicut in Adam omnes moriuntur, ita & in Christo omnes viuificabuntur. Quær ergo infans qui nihil peccauit in conspectu omnipotentis Dei esse non valet mundus, quær Psalmista ex legitimo coniugio prolatus, in iniquitate conceptus est? Quær nisi quia qui mundatus aqua baptismatis non fuerit mundus non est? Quær in Adam omnes homo moritur, si originalis peccati vinculis non tenetur? Sed quia genus humanum in parente primo velut in radice putruit, auitatem erexit in ramis, & inde omnis homo cum peccato nascitur, unde primus homo permanere voluit in pe-